



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU TUZLANSKE ALTERNATIVE

Broj: 03-07-6-360/18
Sarajevo, 19.04.2019. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1.NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Tuzlanske alternative za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je Tuzlanska alternativa prekršila odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Tuzlanske alternative za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Tuzlanska alternativa se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	10.283,00	14,04
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	62.979,00	85,96
8.	Prihodi od propagande (3-g)	0,00	0,00
I	Ukupni prihodi (1-8)	73.262,00	100,00
II	Ostali prihodi i drugo	0,00	0,00
	Izvori finansiranja (I+II)	73.262,00	100,00

U godišnjem finansijskom izvještaju za 2017. godinu Tuzlanska alternativa iskazala je rashode u iznosu od 37.375,31 KM.

2. PREDSTAVLJANJE POLITIČKE STRANKE

Naziv političke stranke: Tuzlanska alternativa. Skraćeni naziv TA.

Stranka je registrovana kod Općinskog suda u Tuzli, rješenjem broj: 032-0-Reg-13-00251 od 19.03.2013. godine.

Sjedište političke stranke je u Tuzli, ul. ZAVNOBIH-a 15.

Ovlaštena lica za predstavljanje stranke su: Alić Mensur, predsjednik i Velida Mehić, tehnički sekretar. Lice ovlašteno za finansijske izvještaje za 2017. godinu je Merisa Kušljugić.

Prema podacima iz godišnjeg finansijskog izvještaja za 2017. godinu, Tuzlanska alternativa nema niže nivo organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Tuzlanske alternative za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Tuzlanske alternative obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim osvrtom na trošenje budžetskih sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjeg finansijskog izvještaja za 2015. i 2016. godinu, nakon kojih su izdati izvještaji o reviziji sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2016. godinu, izdat je izvještaj o pregledu sa preporukama da finansijske izvještaje koje podnosi Centralnoj izbornoj komisiji BiH dostavlja u rokovima propisanim zakonom i popunjava u skladu sa Pravilnikom o godišnjim finansijskim izvještajima političkih stranaka i da u svrhu predizborne kampanje troši sredstva u zakonom dozvoljenom iznosu.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da politička stranka nije ispoštovala date preporuke revizije.

5. NALAZI I PREPORUKE

5.1. NALAZI

a) Tuzlanska alternativa nije postupila u skladu sa odredbama člana 4. stav (1)¹ Zakona o finansiranju političkih stranaka.

Pregledom okvirnog finansijskog plana za 2017. godinu, Tuzlanska alternativa je na nivou stranke planirala troškove u iznosu od 28.000,00 KM. Strukturu planiranih troškova čine režijsko-administrativni troškovi u iznosu od 25.000,00 KM i troškovi propagande u iznosu od 3.000,00 KM.

Uvidom u poslovne knjige i godišnji finansijski izvještaj stranke, utvrđeno je da je stranka iskazala režijsko-administrativne troškove u iznosu od 37.375,31 KM, troškova propagande nije bilo, te je time stranka iskazala više režijsko-administrativnih troškova za 12.375,31 KM od planiranih.

S obzirom da sredstva nisu utrošena u skladu sa okvirnim finansijskim planom (programom utroška sredstava) za 2017. godinu, stranka je prekršila odredbe člana 4. stav (1) Zakona o finansiranju političkih stranaka.

b) Pregledom godišnjeg finansijskog izvještaja za 2017. godinu, utvrđeno je da je Tuzlanska alternativa prekršila odredbe člana 11. stav (1)² i člana 12. stav (1)³ i (4)⁴ Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Tuzlanska alternativa nije vodila poslovne knjige u skladu sa računovodstvenim propisima, nije pravilno evidentirala prihode i nije godišnji finansijski izvještaj

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenih svojim programom i statutom.

² Politička stranka dužna je voditi poslovne knjige i podnositi finansijski izvještaj na način koji je utvrđen zakonom i drugim propisima u skladu sa zakonom.

³ Politička stranka vodi evidenciju o svojim prihodima i rashodima.

⁴ Do 31.03.naredne godine politička stranka podnosi finansijski izvještaj u formi koju odobri Centralna izborna komisija BiH.

popunila u skladu sa odredbama Pravilnika o godišnjim finansijskim izvještajima političkih stranaka – u daljem tekstu: Pravilnik, čime su prekršene odredbe člana 11. stav (1) i člana 12. stav (1) i (4) Zakona o finansiranju političkih stranaka.

- Služba za reviziju je utvrdila da Tuzlanska alternativa u poslovnim knjigama i godišnjem finansijskom izvještaju nije iskazala tačne podatke o prihodima iz budžeta Grada Tuzla, što je suprotno odredbama člana 13. i 19. Pravilnika.

Tuzlanska alternativa je u poslovnim knjigama i godišnjem finansijskom izvještaju iskazala priliv budžetskih sredstava iz budžeta Grada Tuzla u iznosu od 62.979,00 KM.

Kontrolom izvoda sa transakcijskog računa stranke, broj: 1990500057542241 kod Sparkasse banke utvrđeno je da je Tuzlanska alternativa imala priliv sredstava iz budžeta Grada Tuzla u iznosu od 61.610,85 KM⁵, što je za 1.368,15 KM manje od iskazanog iznosa u poslovnim knjigama i godišnjem finansijskom izvještaju.

Politička stranka je u poslovnim knjigama i godišnjem finansijskom izvještaju iskazala kao prihod iz budžeta iznos vraćene takse za učešće na Lokalnim izborima 2016. godine u iznosu od 1.000,00 KM⁶, čime je prekršila odredbe člana 12. stav (1) Zakona o finansiranju političkih stranaka i odredbe člana 13. Pravilnika.

- Tuzlanska alternativa je u poslovnim knjigama i godišnjem finansijskom izvještaju nije iskazala tačne podatke o prihodima od članarina, što je suprotno odredbama člana 13. Pravilnika.

Stranka je u godišnjem finansijskom izvještaju iskazala članarine u iznosu od 10.283,00 KM. Kontrolom izvoda sa transakcijskog računa stranke, utvrđeno je da su prikupljeni prihodi od članarina iznosili 11.151,68 KM, što je za 868,68 KM više od iskazanog iznosa u poslovnim knjigama i godišnjem finansijskom izvještaju.

5.2 PREPORUKE

Preporučuje se Tuzlanskoj alternativni da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava i statutom stranke,*
- *da poslovne knjige vodi u skladu sa računovodstvenim propisima,*
- *da u poslovnim knjigama uspostavi tačne evidencije o prihodima stranke i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Politička stranka Tuzlanska alternativa nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Šef Službe za reviziju

Mr.sc. Goran Cicović

Mr.sc. Hasida Gušić

⁵ Akt Grada Tuzla, broj: 03-14-1117/2018/MG od 19.02.2018. godine kojim je utvrđeno da su sredstva u iznosu od 57.050,00 KM uplaćena stranci za 2017. godinu i iznos od 4.560,85 KM uplaćen je za decembar mjesec 2016. godine, što ukupno iznosi 61.610,85 KM koliko je utvrđeno i kontrolom izvoda sa transakcijskog računa stranke.

⁶ Odluka Centralne izborne komisije BiH, broj: 06-1-07-3-1513/16 od 14.12.2016. godine.